



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Svmma Totivs Theologiæ S. Thomæ Aqvinatis, Doctoris Angelici Ordinis Prædicatorum**

Svpplementvm Tertiæ Partis

**Thomas <von Aquin, Heiliger>**

**Romæ, 1619**

Vtrum vir & mulier sint in actu matrimoniali æquales? 3

**urn:nbn:de:hbz:466:1-38817**

preſſe debitum petat, tamen vir tenetur reddere, quando aliqua ſigna in vxore apparent voluntatis reddendi debiti.

Ad primum ergo dicendum, quòd tempus determinatum non eſt ſolum, quando petitur; ſed quando timetur ex aliquibus ſignis periculum (ad quòd vitandum ordinatur debiti redditio) niſi tunc reddatur.

Ad ſecundum dicendum, quòd vir poteſt talem præſumptionem habere de vxore, quando in ea contraria ſigna non videt: ſed quando videt, eſſet ſtulta præſumptio.

Ad tertium dicendum, quòd dominus non ita recundatur à ſeruo petere debitum ſeruitutis, ſicut vxor à viro, debitum coniugij. Si tamen dominus non peteret, vel propter ignorantiam vel alia de causa, nihilominus ſeruus teneretur implere debitum ſi periculum immineret: hoc enim eſt non ad oculum ſeruire, quòd Apoſtolus ſeruis mandat \*.

Ad Etho. 6. & Colof. 3.

Ad quartum dicendum, quòd non debet vir vxorem auertere, ne petat debitum, niſi propter aliquam rationabilem cauſam: & tunc etiam non debet cum magna inſtantia auerti, propter pericula imminencia.

ARTIC. III.

Utrum vir & mulier ſint in actu matrimoniali æquales?

265  
Tho 4 d.  
32. ar. 3.  
¶ ſi q.  
\* l. 12. c.  
16 10. 3.

Ad tertium ſic proceditur. Videtur, quòd vir & mulier non ſint in actu matrimonij æquales. Agens enim eſt nobilius patiente, vt Auguſtinus \* dicit 12. ſuper Gen. ad litteram. Sed in actu coniugali vir ſe habet vt agens, & ſcœmina vt patiens. Ergo non ſunt in actu illo æquales.

¶ 2 Præterea, Vxor non tenetur viro debitum reddere niſi petat: vir autem tenetur, vt dictum eſt \*. Ergo non ſunt pares in actu matrimonij.

Ar 1. & 2 huius queſt.

¶ 3 Præterea, In matrimonio mulier propter virum facta eſt, vt patet Gen. 2. Faciamus ei adiu-



torium simile sibi. Sed illud propter quod est alterum, semper est principale. Ergo, &c.

¶ 4 Præterea, Matrimonium principaliter ordinatur ad actum coniugalem. Sed in matrimonio vir est caput mulieris, ut patet Ephes. 5. Ergo non sunt æquales in actu prædicto.

S E D contra est, quod dicitur 1. Corinth. 7. Vir sui corporis potestatem non habet: & similiter dicitur de vxore. Ergo sunt æquales in actu matrimonij.

¶ Præterea, Matrimonium est relatio æquiparantia, cum sit coniunctio, ut dictum est \*. Ergo vir & vxor sunt æquales in actu matrimonij.

9.44. a I  
C 3.

RESPONDEO dicendum, quod duplex est æqualitas, scilicet quantitatis & proportionis. Æqualitas quidem quantitatis est, quæ attenditur inter duas quantitates eiusdem mensuræ, sicut bicubiti ad bicubitum. Sed æqualitas proportionis est, quæ attenditur inter duas proportiones eiusdem speciei, sicut dupli ad duplum. Loquendo ergo de prima æqualitate, vir & vxor non sunt æquales in matrimonio, neque quantum ad actum coniugalem, in quo id quod nobilius est, viro debetur; neque quantum ad dispensationem domus, in qua vxor regitur, & vir regit. Sed quantum ad secundam æqualitatem sunt æquales in utroque: quia sicut tenetur vir vxori in actu coniugali & dispensatione domus, ad id quod viri est, ita vxor viro ad id quod vxoris est: & secundum hoc, dicitur in littera \*, quod sunt æquales in reddendo & petendo debitum.

l. 4. sent.  
d. 22. in  
princ.

Ad primum ergo dicendum, quod quamvis agere sit nobilius quam pati, tamen eadem est proportio patientis ad patiendum, & agentis ad agendum: & secundum hoc, est ibi æqualitas proportionis.

Ad secundum dicendum, quod hoc est per accidens. Vir enim qui nobiliorem partem habet in actu coniugali, naturaliter habet, quod non ita crebescat petere debitum sicut vxor: & inde est, quod vxor

vxor r  
viro, t  
Ad  
quod  
non fi  
Ad  
princi  
tur ca  
suo: &  
Vtrum  
d  
A  
v  
matrim  
æquali  
est \*.  
accipie  
etiam  
vorum  
jugum  
tere  
2 I  
confer  
sentire  
to diff  
simplic  
spiritu  
vnus p  
tempus  
3  
ritur d  
potest  
non pe  
ratione  
4  
rioris  
youcro

vxor non ita tenetur reddere debitum non petenti viro, sicut vir vxori.

Ad tertium dicendum, quòd ex hoc ostenditur, quòd non sunt æquales absolute, non autem quòd non sint æquales secundum proportionem.

Ad quartum dicendum, quòd quamuis caput sit principalius membrum, tamen sicut membra tenentur capiti in officio suo, ita & caput membris in suo: & sic est ibi æqualitas proportionis.

ARTIC. IV.

*Vtrum vir & vxor possint votum emittere contra debitum matrimony sine mutuo consensu?*

266

Ad quartum sic proceditur. Videtur, quòd vir & vxor possint votum emittere contra debitum matrimony sine mutuo consensu. Vir enim & vxor æqualiter obligantur ad debiti solutionem, vt dictum est \*. Sed licitum est viro, etiam vxore prohibente, accipere crucem in subsidium terræ sanctæ. Ergo etiam hoc licitum est vxori: & ided cum per hoc votum redditio debiti impediatur, potest alter coniugum sine consensu alterius votum prædictum emittere.

ar. præcor.

2 Præterea, Non est expectandus in aliquo voto consensus alicuius, qui non potest sine peccato dissentire. Sed vnus coniugum non potest sine peccato dissentire, quin alter continentiam voueat, vel simpliciter, vel ad tempus: quia impedire profectum spiritualem, est peccatum in spiritum sanctum. Ergo vnus potest votum continentie simpliciter, vel ad tempus sine consensu alterius emittere.

3 Præterea, Sicut in actu matrimoniali requiritur debiti redditio, ita debiti petitio. Sed vnus potest sine consensu alterius vouere, quòd debitum non petet, cum in hoc sit sue potestatis. Ergo paritate ratione, quòd debitum non reddet.

4 Præterea, Nullus potest ex præcepto superioris cogi ad id quod non liceret sibi simpliciter vouere & facere: quia in illicitis non est obediendum.